

## **Gbouŋ nba ki JUUD din sob nae na**

*Ki jün Juud gbouŋ na po*

Juud din sob gbouŋ na a wun tur kpaaniie ki jün faak wantteeb nba yaa bi tee Masiaweira na po.

<sup>1</sup> Min Juud nba tee Yiisa Masia toontunnɔ, ki bia tee Jeems naa bik nae sobin gbouŋ na, ki teen niib nba ki ti Baa Yennu gannib ki loonib, ki Yiisa Masia guub na. <sup>2</sup> Yennu ninbatinu nan parmaasir nan lomm-ii be nani bonchiann.

*Ki jün fai damm po*

<sup>3</sup> N naa walonkai, n ninbinn daan mɔn nan ki n sob gbouŋ ki turi, ki saan gaan tinnu nba tee ti kur yar na po; ŋaan mɔtana li ji kpaas talas ki n sob kpaaniie, ki yin yabir i mɔŋ ki dia yada labaar nba ki Yennu tur u niib na fanu, ki daa saak ki soɔ lebitiri, <sup>4</sup> kimaan nisiab nba ki tiin Yennu na kɔɔ i sinsuuk ni woonin nie, ki lebit ŋɔɔ Yennu ninbatinu labaar na, a bii tuun bi gbanant loonbiit; ki ki saak Yiisa Masia mɔbi; ŋɔɔ kuukɔɔe tee ti Yudaanɔ nan ti Yomdaanɔ. Biitdamm maŋ tubdatu poŋ sob Yennu gbouŋ ni, ki li yukira.

<sup>5</sup> Maa yaa n beti linba na, i poŋ gbat li kura, ki mir, ŋaan n loon ki n tiari li poe: Yennu din fat u niib ki nyinnib Ijpt tinj ni, ŋaan li poorpo ki u kpil bi siab nba ki teenɔ yada na. <sup>6</sup> Nnae biak,

malakanba nba din ki dia yaak nba ki Yennu turib na nan li sonu na, ki bia din ki biar be bi binbeboa sanpaapo na, ki Yennu baamm bant ki lub sarik bootsunsun nba bon ni, ki guu dagbenjir nba ki u saa bu bi buut na. <sup>7</sup> Nnae biak ki doi nba tee Sodom nan Gomora, nan digbana nba kpiar na niib din tuun chonchonsin, ki waa niɔŋ nba bi bonchiann, ki bi la tubdatu nba tee muu ki li dib mɔkmɔk nan mɔkmɔk; ki li tee kpaanii ki tur soo kur.

<sup>8</sup> Nibooru man mun bia daa mɔk dudukit nba ki bi tuun biir bi gbanant, ki tee tubkangbata, ki bia sukii Yennu malakanba. <sup>9</sup> Nnaan malakanba saakoo nba ki u sann tee Maikel na, ŋoo nan Sintaanii nba din kon Moses gbanant paak na, nnaan Maikel mɔŋ din ki sukir Sintaanii, u din betɔe a “Yennu saa wanna yan.” <sup>10</sup> Nnaan niib na narin sukii bont kur nba ki bi ki bann li paake, ki tuun linba kur ki bi loon, nan bonkobit nba ki mɔk dudukit na, ki biir bi mɔŋ. <sup>11</sup> Bonbiir be bi paak; kimaan bi wei Keenn sonbiiuk nawa; bi bia tee kpinkpanii damme likirii paak, nan Balam nba din tee bianinba na; ki bia tuun nan Kora nba din tun ki ki sak Yennu mɔb ki tan kpo na; bi mun tan saa kpo nnae. <sup>12</sup> Bi tee barite i motaauk jeet dinu ni, ki ki tiin Yennu, ki mɔk jawuuk ki dint bi mɔŋ kuukoo. Bi tee nan sanpagbant nba ki baat nan saak nnaan ki wouŋ da nae; ki bia tee nan tiinii nba ki loon loona nae, nan li lomm yoowa gbaa. Bi kpoe ki tɔr, kimaan bi jiina kur fikite ki koor. <sup>13</sup> Bi tee nan mɔkgbenjir nyunpana nba fi ki pukir nan jakint nae. Bi bia tee nan nmaabira nba tuu njabir ki lin nae; ki

bunbonchiɔŋ nba kaa gbennu be ki guub.

<sup>14</sup> Enok, wunba waa Adam yaaboona munlore ni na, din sɔkin ki yet bi po a “Yennu nan u kasii malakanba tusaa tusaa baat <sup>15</sup> a wun bu nisaarik kur buut, ki biir binba kur ki tinɔ, ki ki sak u mɔb, ki tun toonbiit bianjinba; nan biitdamm kur nba pak mabiit nba kur ki biirɔ, ki bi baka kaa nanaɔ bianjinba na.”

<sup>16</sup> Bi tee bunburimii damme; bi numm ki mi gboo; ki bi tuun bi mɔŋ loonbiit, ki mɔk parbifaant bonchiann, ki korin niib a bin la baa loon linba.

<sup>17</sup> N naa walonkai, ii tian man maan nba ki ti Yomdaano Yiisa Masia toomiinba din yet na.

<sup>18</sup> Bi din yet a “Dajoontii maŋ ni, niib nba waa bi mɔŋ gbanant loonbiit na tan saa fiir ki sarikiti.”

<sup>19</sup> Li niboorue baat nan bɔkitu i sinsuuk ni. Bi gbanant loomm kɔɔe diab. Yennu Seyeen na kaa bi ni. <sup>20</sup> N naa walonkai, ii chee i para man, Masia labanann nba tee kasii na ni, kii mei Yennu, u Seyeen paŋ ni, <sup>21</sup> kii tee niib nba ki Yennu loonib, kii guu yoo nba ki ti Yomdaano Yiisa Masia saa turi manfoor nba kaa gbennu, u ninbatinu na paak.

<sup>22</sup> Binba dudukit laŋ na, ii tinib ninbaauk, <sup>23</sup> ki fat leeb ki nyinnib Sintanii muu ni; ki binba mɔk bi loonbiit dɔk na, ii tinib ninbaauk, ki bia kii mɔk jaŋmaanii, ki daa nakii bi biit boori.

### *Yenpaku*

<sup>24</sup> Yennu saa fit guui ki i daa baa, ki saa baar nani u tɔonn, yentsaakar ni, ki i ki mɔk biit, ki i sii mɔk parpeenn bonchiann; <sup>25</sup> ŋɔɔ nba tee Yen-yenɔkɔɔ ki tinnit ti Yomdaano Yiisa Masia paak

na, u yen paku nan yent nan paŋ nan bont kur  
yudant, yoo nba din gar na, nan mətana, nan  
məkmək nan məkmək. Maməmm.

**Yennu Gbouj Moor**  
**Bimoba: Yennu Gbouj Moor Bible**

copyright © 2003 Wycliffe Bible Translators, Inc.

Language: Bimoba

Contributor: Wycliffe Bible Translators, Inc.

All rights reserved.

2020-11-16

---

PDF generated using Haiola and XeLaTeX on 21 Feb 2024 from source  
files dated 29 Jan 2022

00d89ba0-4677-52d9-9bc5-aa3d7c5c966d